

**ПОСЛЕДОВАНИЕ
ОБЩЕГО МОЛЕБНА
ПЕРЕД НАЧАЛОМ ОБЩЕМОСКОВСКОГО КРЕСТНОГО ХОДА.**

Священник: Благословѣн Бог наш всегда, ныне и присно, и во веки веков.

Хор и народ: Амѣнь.

Царю Небесный, / Утѣшителю, Душе истины, / Иже везде сый / и вся исполняяй, / Сокровище благих / и жизни Подателю, / прииди и вселися в ны, / и очисти ны от всякия скверны, // и спаси, Блаже, души наша.

И Бог Господь:

глас 4.

Хор и народ: Бог Господь и явися нам, благословѣн Грядый во имя Господне.

Стих 1: Исповѣдайтесь Господеву, яко благ, яко в век милость Его.

Стих 2: Обышедше обыдоша мя и именем Господним противляхся им.

Стих 3: Не умру, но жив буду и повѣм дела Господня.

Стих 4: Камень, егже небрегоша зиждущии, сей бысть во главу угла, от Господа бысть сей и есть дивен во очесех наших.

Тропарь, глас 4:

К Богородице прилежно ныне притецем, / грешнии и смиреннии, и припадѣм, / в покаянии зовуще из глубины душ: / Владычице, помози, на ны милосердовавши, / потщися, погибам от множества прегрешений, / не отврати Твоя рабы тщи, // Тя бо и едину надежду имамы. Дважды.

Не умолчим никогда, Богородице, / силы Твоя глаголати, недостойнии: / аще бо Ты не бы предстояла молящи, / кто бы нас избавил от толиких бед; / кто же бы сохранил до ныне свободны; / не отступим, Владычице, от Тебѣ, // Твоя бо рабы спасаеши присно от всяких лютых.

Запевы. (священник - хор и народ)

Слава Тебе, Боже наш, слава Тебе!

Пресвятая Богородице, спаси нас!

Вси святии земли Московския, молитесь Бога о нас!

Хор и народ: тропари, глас 6:

Помилуй нас, Господи, помилуй нас; / всякаго бо отвѣта недоумѣюще, / сию Ти молитву яко Владыце, // грѣшнии приносим: помилуй нас.

Слава Отцу и Сыну и святому Духу/ Господи, помилуй нас, / на Тя бо уповахом; / не прогневайся на ны зело, / ниже помяни беззаконий наших, / но призри и ныне яко благоутробен, / и избави ны от враг наших; / Ты бо еси Бог наш, / и мы людем Твоим, / все дела рук Твоих, / /и имя Твое призываем.

И ныне и присно и во веки веков Аминь/ Милосердия двери отверзи нам, / благословенная Богородице, / надеющиеся на Тя да не погибнем, / но да избавимся Тобою от бед: // Ты бо еси спасение рода христианскаго.

Таже диакон глаголет ектению:

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор и народ: Господи, помилуй (трижды).

Еще молимся о Великом Господине и отце нашем Святейшем Патриархе Кирилле и о всей во Христе братии нашей.

Хор и народ: Господи, помилуй (трижды).

Еще молимся о Богохранимей стране нашей, властях и воинстве ея, да тихое и безмолвное житие проживем во всяком благочестии и чистоте.

Хор и народ: Господи, помилуй (трижды).

Еще молимся о милости, жизни, мире, здравии, спасении, посещении, прощении, благопоспешении всех здесь ныне предстоящих и молящихся.

Хор и народ: Господи, помилуй (трижды).

Еще молимся за всю братию и за вся христиане.

Хор и народ: Гóсподи, помíлуй (трижды).

Возглас: Я́ко мíлостив и человеколю́бец Бог еси́, и Тебé сла́ву возсыла́ем, Отцу́, и Сы́ну, и Свято́му Ду́ху, ны́не и прíсно, и во ве́ки веко́в.

Хор и народ: Амíнь.

Хор и народ: Молитва ко Пресвятей Богородице.

Цари́це моя́ преблагáя,/ надéждо моя́ Богорóдице/, приятелище си́рых /и стра́нных предста́тельнице/, скорбя́щих ра́досте,/ обíдимых покрови́тельнице/ Зри́ши мою́ бедú,/ зри́ши мою́ скорбь́,/ помози́ ми я́ко не́мощну,/ окорми́ мя я́ко стра́нна./ Обиду́ мою́ ве́си, /разрешí ту, я́ко во́лиши: я́ко не íмам инýя по́мощи ра́зве Тебé, ни инýя предста́тельницы, ни благíя утéшительницы, то́кмо Тебé, о Богома́ти, я́ко да сохрани́ши мя и покрýеши во ве́ки веко́в. Амíнь.

Глас 8

Досто́йно есть я́ко войстину́ / блаж́ити Тя, Богорóдицу, Присноблаже́нную и Пренепоро́чную / и Ма́терь Бо́га на́шего. / Честне́йшую Херувíм / и сла́внейшую без сравне́ния Серафíм, / без ислéния Бо́га Сло́ва ро́ждшую, / су́щую Богорóдицу Тя велича́ем.

Священник: Моли́твами Святейшего Владыки нашего, Гóсподи Иису́се Христé, Бо́же наш, помíлуй нас.

Хор и народ: Амíнь.

**МОЛЕБНЫЕ ПЕСНОПЕНИЯ ВО ВРЕМЯ ОБЩЕМОСКОВСКОГО
КРЕСТНОГО ХОДА В ПРАЗДНИК ВСЕХ СВЯТЫХ, В ЗЕМЛІ
МОСКОВСКОЙ ПРОСИЯВШИХ**

Молебственное пение Господу и Пресвятой Богородице

Священник: *Слава Тебе Боже наш слава Тебе!*

**(При повторении молебного пения следует начинать отсюда)*

Хор и народ: *Царю Небесный. Глас 6*

Царю Небесный, /Утешителю, Душе истины, /Иже везде сый /и вся исполняй,/ Сокровище благих/ и жизни Подателю, /прииди и вселися в ны, /и очисти ны от всякия скверны, //и спаси, Блаже, души наша.

Хор и народ:

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Хор и народ **Символ веры**

¹Верую во единого Бога Отца, Вседержителя, ²Творца небу и земли, видимым же всем и невидимым. /³И во единого Господа Иисуса Христа, Сына Божия,/ Единородного, Иже от Отца рожденного прежде всех век; /Света от Света, Бога истинна от Бога истинна, /рождена, несотворенна, единосущна Отцу, Имже вся быша. /Нас ради человек и нашего ради спасения сшедшего с небес/ и воплотившагося от Духа Свята и Марии Девы, и вочеловечшася. ⁴/Распятого же за ны при Понтийстем Пилате, /и страдавшего, и погребенна. ⁵И воскресшего в третий день по Писанием./ ⁶И возшедшего на небеса, и сидяща одесную Отца. /⁷И паки грядущаго со славою судити живым и мертвым, Егоже Царствию не будет конца./ ⁸И в Духа Святаго, Господа, Животворящаго, Иже от Отца исходящаго/, Иже со Отцем и Сыном спокланяема и славима, глаголашаго пророки. /⁹Во едину Святую Соборную и Апостольскую Церковь. /¹⁰Исповедую едино

крещёние во оставленье грехов. /¹¹Чаю воскресения мёртвых, /¹²и жизни будущаго века. Аминь.

Тропарь Кресту Глас 1

Спаси, Господи, люди Твоя/ и благослови достояние Твое,/ победы на сопротивных даруя// и Твое сохраняя Крестом Твоим жительство.

Богородице Дево глас 4

Богородице Дево, радуйся, благодатная Марие, Господь с Тобою, Благословенна Ты в женах и благословен Плод чрева Твоего, яко Спаса родила еси душ наших.

Тропарь Божией Матери пред иконой Ея «Смоленская»

Глас 4

К Богородице прилежно ныне притецем,/ грешнии и смиреннии, и припадем,/ в покаянии зовуще из глубины души:/ Владычице, помози, на ны милосердовавши,/ потщися, погибам от множества прегрешений,/ не отврати Твоя рабы тщи,// Тя бо и едину надежду имамы

Тропарь Божией Матери пред иконой Ея «Владимирская»

Глас 4

Днесь светло красуется славнейший град Москва,/ яко зарю солнечную, восприемши, Владычице,/ чудотворную Твою икону,/ к нейже ныне мы притекающе и молящися Тебе, взываем сице:/ о пречудная Владычице Богородице!/ Молися из Тебе воплощенному Христу Богу нашему,/ да избавит град сей и вся грады и страны христианския/ невредимы от всех навет вражиих// и спасет души наша, яко Милосерд.

Кондак глас 6

Предстательство христиан непостыдное, / ходатайство ко Творцу непреложное, / не презри грешных молений гласы, / но предвари, яко Благая, на помощь нас, / верно зовущих Ти; / ускори на молитву, и потщися на умоление, / предстательствующи присно, Богородице, чтущих Тя.

Глас 6

Не ймамы ины́я по́мощи, / не ймамы ины́я наде́жды, / ра́зве Тебе́,
Влады́чице. / Ты нам помози́, / на Тебе́ наде́емся, и Тобо́ю хва́лимся. //
Твой бо есмы́ раба́, да не постыди́мся.

Молитва ко Пресвятой Богородице:

Цари́це моя́ Преблага́я, / Наде́ждо моя́, Богоро́дице, / Приятелище
си́рых / и стра́нных Предста́тельнице, / скорбя́щих Ра́досте, / оби́димых
Покрови́тельнице! / Зри́ши мою́ беду́, / зри́ши мою́ скорбь; / помози́ ми,
яко не́мощну, / окорми́ мя, яко стра́нна! / Оби́ду мою́ ве́си, / разреши́ ту,
яко во́лиши: / яко не ймам ины́я по́мощи, ра́зве Тебе́, / ни ины́я
Предста́тельницы, / ни благия́ Уте́шительницы, / то́кмо Тебе́, о Богома́ти!
/ Яко да сохрани́ши мя / и покрýеши во ве́ки веко́в. Ами́нь.

Пресвятая Богородице, просвети мя светом Сына Твоего / Аллилия,
аллилуия, аллилуия.

Величание

Велича́ем Тя, /Пресвята́я Де́во, / Богоизбра́нная Отрокови́це,/ и
чтим о́браз Твой святы́й,/ и́мже то́чиши исцелéния //всем, с ве́рою
притека́ющим.

Молебственное пение святителям Московским

Тропарь Московских святых

Глас 4

Днесь проро́чество святи́теля Петра́/ пред очáми нáшими
сбыва́ется,/ се́рдце бо Росси́и град Москва́/ свýше сла́ву ве́лию
приéмлет,/ украша́емь, яко бисером честнýм,/ мнóгим со́нмом Бóжиих
уго́дников,/ к н́мже мы любóвию возопи́м:/ о пречýднии святителие,
исповéдницы и мýченицы нóвии,/ цáрственнии страсотéрпцы и
благове́рнии кня́зие,/ преподо́бнии отцы́ и ма́тери,/ и премýдрии
юро́дивии,/ и вси святы́и, зна́емии и незна́емии,/ яко благоче́стия
столпы́,/ моли́те Христа́ Бóга// стране́ нáшей в ми́ре спасты́ся.

(Запевы начинает священство, повторяет Хор и народ)

Святителие московские, молитесь Бога о нас.

Святителю отче наш Пётре, моли Бога о нас.

Петр Киевский, Московский и всея Руси, митрополит и чудотворец, Свт.: †1326

Святителю отче наш Алексіе, моли Бога о нас.

Алексий Киевский, Московский и всея Руси, митрополит и чудотворец Свт.: †1378

Святителю отче наш Ибно, моли Бога о нас.

Иона Киевский, Московский и всея Руси, митрополит и чудотворец, Свт.: †1461

Святителю отче наш Мака́рие, моли Бога о нас.

Макарий Московский и всея Руси, митрополит, Свт.: †1563

Святителю отче наш Фили́ппе, моли Бога о нас.

Филипп II Московский и всея Руси (Кольчев), митрополит и чудотворец, Свт.: †1569

Святителю отче наш Йо́ве, моли Бога о нас.

Иов Московский и всея Руси, Патриарх, Свт.: †1607

Святителю отче наш Ермоге́не, моли Бога о нас.

Ермоген Московский и всея Руси, Патриарх и чудотворец, Сщмч.: †1612

Святителю отче наш Ті́хоне, моли Бога о нас.

Тихон Московский и всея Руси (Беллавин), Патриарх, Сщисп.: †1925

Священномучениче Пётре, моли Бога о нас.

Петр (Полянский), митрополит Крутицкий, Местоблюститель Патриаршего престола, Сщмч.: †1937

Святителю отче наш Филаре́те, моли Бога о нас.

Филарет Московский (Дроздов), митрополит, Свт.: †1867

Святителю отче наш Иннокéнтие, моли Бога о нас.

Иннокентий Московский (Вениаминов), митрополит, просветитель Сибири

Святителю отче наш Мака́рие, моли Бога о нас.

Макарий Московский, Алтайский (Невский), митрополит, Свт.: †1926

Священномучениче Влади́мире, моли Бога о нас.

Владимир (Богоявленский), Киевский, митрополит, сщмч.: †1918

Священномученицы Вениамине и Серафиме, молитесь Бога о нас.

Вениамин (Казанский), митрополит, смч.: †1922

Серафим (Чичагов), митрополит, смч.: †1937

Священномучениче Иларионе, моли Бога о нас.

Иларион (Троицкий), архиеп. Верейский, смч.: †1929

Священноисповедниче Афанасие, моли Бога о нас.

Афанасий (Сахаров), еп. Ковровский, смч.: †1962

Молебные запевы мученикам.

Святии мученицы, молитесь Бога о нас.

Святой великомучениче и победоносче Георгие, моли Бога о нас

Великомученик Георгий Победоносец

Святой великомучениче Димитрие, моли Бога о Нас.

Святой Димитрий Солунский

Святии мученицы и исповедницы Михаиле и Феодоре, молитесь Бога о нас.

Михаил Всеволодович Черный, Черниговский, князь, чудотворец, мч.: †1245

Феодор Черниговский, мч., боярин мч. Михаила Черниговского: †1245

Святии Царственнии страстотерпцы, молитесь Бога о нас.

Николай Александрович, император Российский, страстотерпец: †1918

Священномучениче Иоанне, моли Бога о нас.

Иоанн Восторгов, прот., смч.: †1918

Священномучениче Александре, моли Бога о нас.

Александр Хотовицкий, протопресвитер, смч.: †1937

Преподобномученицы Елисавето и Варваро, молитесь Бога о нас.

Елисавета Феодоровна, великая княгиня, прмц.: †1918

Варвара (Яковлева), инокия, прмц.: †1918

Молебные запевы благоверным князям, царям и княгиням Московским

Святой благоверный княже Данииле, моли Бога о нас.

Даниил Московский, блгв. князь, сын св. Александра Невского: †1303

Свя́тый благове́рный кня́же Дими́трие, моли Бога о нас.

Димитрий Донской, блгв. вел. князь Московский: †1389

Свя́тый благове́рный ца́ревичу Дими́трие, моли Бога о нас.

Димитрий Угличский и Московский, блгв. царевич: †1591

Преподо́бная кня́гине Ефроси́ние, моли Бога о нас.

Евдокия (в инокинях Евфросиния) Московская, великая княгиня, прп., супруга св. Димитрия Донского: †1407

Молебные запевы преподобным Московским

Преподо́бне отче наш Се́ргие, моли Бога о нас.

Сергий Радонежский, игумен, прп., всея России чудотворец: †1392

Преподо́бнии Кири́лле и Мари́е, молитесь Бога о нас.

Кирилл Радонежский, схим., прп., отец прп. Сергия Радонежского: †нач. 40-х гг. XIV в.

Мария Радонежская, схимонахиня, прп., мать прп. Сергия Радонежского: †нач. 40-х гг. XIV

Преподо́бне отче Андре́е, моли Бога о нас.

Андрей Рублев, прп., иконописец: † 1430

Преподо́бне отче Макси́ме, моли Бога о нас.

Максим Грек, прп.: †1556

Преподо́бне отче Анато́лие, моли Бога о нас.

Анатолий, старец Оптинский (Потапов), иеросхим., прп.: †1922

Молебные запевы праведным и Христа ради юродивым и блаженным Московским

Свя́тый праведный отче Алекси́е, моли Бога о нас.

Алексий Московский (Мечев), прот., прав.: †1923

Свя́тый блаженный Васи́лие, моли Бога о нас.

Василий Московский, Христа ради юродивый, чудотворец: †1557

Свя́тая блаженная Матро́но, моли Бога о нас.

Матрона Московская (Никонова), блаженная: †1952

Величание московским святым

Хор и народ: Велича́ем вас,/ вси святѣи, в землѣ Москóвской
проси́явшии,/ и чтим святу́ю па́мь вáшу,/ вы бо мо́лите о нас// Христа́
Бо́га на́шего.

Глас 8

Досто́йно есть я́ко войсти́ну / блажи́ти Тя, Богоро́дицу,
Присноблаже́нную и Пренепоро́чную / и Ма́терь Бо́га на́шего. /
Честне́йшую Херуви́м / и сла́внейшую без сравне́ния Серафи́м, / без
истле́ния Бо́га Сло́ва ро́ждшую, / су́щую Богоро́дицу Тя велича́ем.

Взбра́нной Воево́де победи́тельная, я́ко изба́вльшеся от злых,
благодáрственная воспису́ем Ти раби́ Твой Богоро́дице: но я́ко иму́щая
держáву непобеди́мую, от вся́ких нас бед свободи́, да зове́м Ти: Ра́дуйся
Неве́сто Неве́стная.

Стихиры Пасхи, глас 5

Хор и народ: **Да воскреснет Бог, / и расточатся врази Его.**

Пасха / священная нам днесь показася; / Пасха нова святая; / Пасха
таинственная; / Пасха всечестная. / Пасха Христос Избавитель; / Пасха
непорочная; / Пасха великая; / Пасха верных. / Пасха двери райския нам
отверзающая. / Пасха всех освящающая верных.

Яко исчезает дым, / да исчезнут.

Приидите / от видения жены благовестницы, / и Сиону рцыте: /
приими / от нас радости благовещения, Воскресения Христова: /
красуйся, ликуй / и радуйся, Иерусалиме, / Царя Христа узрев из гроба, /
яко жениха происходяща.

**Также да погибнут грешницы от Лица Божия, / а праведницы
да возвеселятся.**

Мироносицы жены, / утру глубоко, / представша гробу
Живодавца, / обретоша Ангела / на камени сидяща, / и той
провещав им, / сице глаголаше: / что ищите Живаго с мертвыми; / что
плачете Нетленного во тли? / Шедше, проповедите учеником Его.

**Сей день, егоже сотвори Господь, / возрадуемся и возвеселимся
в онь.**

Пасха красная, / Пасха, Господня Пасха! / Пасха всечестная / нам
возсия. Пасха, / радостью друг друга обымем. / О Пасха! / Избавление

скорби, / ибо из гроба днешь, / яко от чертога / возсияв Христос, / жены радости исполни, глаголя: / проповедите апостолом.

Слава Отцу и Сыну и Святому Духу и ныне и присно и во веки веков. Аминь.

Воскресения день, / и просветимся торжеством, / и друг друга обымем. / Рцем братие, / и ненавидящим нас, / простим вся Воскресением, / и тако возопиим: / Христос воскрес из мертвых, / смертью смерть поправ, / и сущим во гробех живот даровав.

Глас 6

Воскресение Христово видеvше, / поклонимся Святому Господу Иисусу, / единому безгрешному, / Кресту Твоему покланяемся, Христе, / и святое Воскресение Твое поем и славим: / Ты бо еси Бог наш, / разве Тебе иного не знаем, / имя Твое именуем. / Приидите вси вернии, / поклонимся Святому Христову Воскресению: / се бо прииде Крестом радость всему миру. / Всегда благословяще Господа, / поем Воскресение Его: / распятие бо претерпев, / смертью смерть разруши.

Воскрес Иисус от гроба, / якоже прорече, / даде нам живот вечный / и велию милость.

Тропарь Пасхи

Христос воскрес из мертвых, / смертью смерть поправ, / и сущим во гробех живот даровав. *3 раза.*

Если шествие крестного хода не завершено, то необходимо вернуться к началу последования молебного пения.